

Na osnovu člana 60. Zakona o organizaciji organa uprave Federacije Bosne i Hercegovine („Službene novine Federacije BiH“, broj: 35/05), člana 47. Zakona o dopunskim pravima branilaca („Službene novine Srednjobosanskog kantona“, broj: 7/16-prečišćeni tekst) te čl. 34. i 37. Zakona o izvršavanju Budžeta Srednjobosanskog kantona za 2026. godinu. („Službene novine Srednjobosanskog kantona“, broj: 1/26), Kantonalna uprava za braniocce objavljuje

JAVNI POZIV

za podnošenje prijave za dodjelu sredstava za financiranje rada udruženja branilaca za 2026. godinu

I. Predmet Javnog poziva

Predmet javnog poziva je dodjela sredstava za finansiranje rada udruženja branilaca sa pozicije „Tekući transferi neprofitnim organizacijama- udruženjima branilaca” iz Budžeta Srednjobosanskog kantona za 2026. godinu („Službene novine SBK“, broj: 1/26 - u daljnjem tekstu: Budžet SBK).

II. Pravo prijave na Javni poziv

Pravo prijave na Javni poziv ima udruženje/udruga branilaca koja je registrovana na kantonalnom nivou i koja u svom sastavu ima najmanje osam (8) registrovanih općinskih organizacija koje nose isti naziv kao i kantonalno udruženje/udruga koja je podnosilac prijave.

III. Prijave koje se ne uzimaju u razmatranje

Neće se uzimati u razmatranje prijave podnosioca iz tačke II. Javnog poziva kojima su u prethodnoj budžetskoj godini odobrena sredstva za iste namjene, a nisu dostavili izvještaj o utrošku dodijeljenih sredstava.

IV. Dokumentacija koja se dostavlja uz prijavu na Javni poziv

Podnosilac prijave za dodjelu sredstava za sufinansiranje rada udruženja branilaca za 2026. godinu dostavlja sljedeću dokumentaciju:

- a) adekvatno popunjen, potpisan i ovjeren prijavni obrazac, original,
- b) uvjerenje o poreznoj registraciji s identifikacijskim brojem kantonalnog udruženja branilaca, kopija,
- c) rješenje o registraciji kantonalnog udruženja branilaca, ne starije od pet (5) godina, kopija,
- d) izvod iz registra nadležnog kantonalnog organa uprave o registraciji općinskih udruženja udruženih u kantonalno udruženje, ne stariji od pet (5) godina, kopije,
- e) izjave općinskih udruženja branilaca da su članice kantonalnog udruženja branilaca podnosioca prijave za dodjelu sredstava, izjave iz 2026. godine, potpisane i ovjerene od starne ovlaštenih odgovornih osoba udruženja, original
- f) statut kantonalnog udruženja branilaca, kopija,
- g) potvrda banke o otvorenom (aktivnom) transakcijskom računu kantonalnog udruženja branilaca, ne starija od 1 godinu, kopija

- h) detaljan plan i program rada kantonalnog udruženja branilaca, original (ovjeren pečatom i potpisom ovlaštenog lica udruženja), original
- i) finansijski plan kantonalnog udruženja branilaca za 2026. godinu s očekivanim prihodima i rashodima, original (ovjeren pečatom i potpisom ovlaštenog lica udruženja), original
- j) izvještaj o radu kantonalnog udruženja branilaca za prethodnu godinu koji obuhvata redovno obavljanje poslova udruženja, original (ovjereno pečatom i potpisom ovlaštenog lica udruženja), original
- k) finansijski izvještaj udruženja, original (ovjereno pečatom i potpisom ovlaštenog lica udruženja),
- l) izjava ovlaštenog i odgovornog lica kantonalnog udruženja branilaca -podnosioca prijave (ovjerena pečatom i potpisom ovlaštene osobe udruženja) , original

* Prijavni obrazac naveden pod tačkom a) i izjava navedena pod tačkom l) nalaze se u prilogu Javnog poziva i mogu se preuzeti na internet stranici Vlade SBK/KSB www.sbk-ksb.gov.ba ili u službenim prostorijama Kantonalne uprave za braniocce.

V. Kriteriji za dodjelu sredstava i iznos sredstava

Raspodjela novčanih sredstava iz tačke I. Javnog poziva vršit će se u skladu sa općim kriterijima.

Opći kriteriji za odobrenje sredstava za sufinansiranje programa/projekata rada udruženja branilaca su:

- a) aktivnosti kantonalnog udruženja branilaca planirane planom i programom rada za 2026. godinu,
- b) ukupna sredstva potrebna za ostvarenje plana i programa udruženja branilaca za 2026. godinu,
- c) raspoloživa sredstva u Budžetu Srednjobosanskog kantona za 2026. godinu,
- d) značaj udruženja branilaca za društvenu zajednicu,

Sredstva za sufinansiranje rada udruženja branilaca iz tačke II. ovog Javnog poziva mogu se, po podnesenoj jednoj prijavi udruženja branilaca, odobriti više puta u toku godine, u zavisnosti od raspoloživosti budžetskih sredstava.

VI. Objava Javnog poziva, rok i adresa za dostavljanje prijava

Javni poziv za podnošenje prijave za dodjelu sredstava za sufinansiranje rada udruženja branilaca za 2026. godinu objavljuje se na internet stranici Vlade SBK/KSB www.sbk-ksb.gov.ba i traje od dana objave do 30.11.2026. godine.

Prijava na Javni poziv sa popunjenim, potpisanim i ovjerenim prijavnim obrascem i potrebnom dokumentacijom podnosi se Kantonalnoj upravi za branitelje/braniocce, putem pošte, u zatvorenoj koverti, na adresu:

Kantonalna uprava za branitelje/braniocce

Stanična 43

Travnik

s naznakom:

„Javni poziv za podnošenje prijave za sufinansiranje rada udruženja branilaca u 2026. godini – NE OTVARATI”

Prijave podnesene nakon isteka roka za dostavljanje prijava po Javnom pozivu, neće se uzimati u razmatranje.


VII. Kantonalna uprava nema obavezu vraćati predatu dokumentaciju podnosiocima prijava.

Broj: 11-11-1-1715/26

Travnik, 09.03.2026.

DIREKTOR

Nijaz Duratbegović, dipl.iur.



P R I J A V A
za dodjelu sredstava za rad kantonalnog udruženja branilaca za 2026. godinu

1.Podaci o podnosiocu prijave za rad udruženja branilaca

(puni naziv podnosioca prijave)

(adresa)

(ime i prezime odgovorne osobe, funkcija)

(ime i prezime kontakt osobe, funkcija, tel./mob., e-mail)

Kratak opis plana i program rada kantonalnog udruženja branilaca za 2026. godinu:

Očekivani iznos iz budžeta SBK po Programu za dodjelu sredstava za financiranje rada udruženja branilaca za 2026. godinu: _____ KM.

2. Podaci o članicama kantonalnog udruženja branilaca

Naziv općinskog udruženja, sjedište:

1. _____
2. _____
3. _____
4. _____
5. _____
6. _____
7. _____
8. _____

3. Dokumentacija koja se prilaže uz prijavu (zaokružiti dostavljeno):

- a) adekvatno popunjen i ovjeren prijavni obrazac, original,
- b) uvjerenje o poreznoj registraciji s identifikacijskim brojem kantonalnog udruženja branilaca, kopija,
- c) rješenje o registraciji kantonalnog udruženja branilaca, ne starije od pet (5) godina, kopija,
- d) izvodi iz registra nadležnog kantonalnog tijela uprave o registraciji općinskih udruženja udruženih u kantonalno udruženje, ne stariji od pet (5) godina, kopija,
- e) izjave općinskih udruženja branilaca da su članice kantonalnog udruženja branilaca podnositelja prijave za dodjelu sredstava, izjave iz 2026. godine, potpisane i ovjerene od strane ovlaštenih odgovornih osoba udruženja, original,
- f) statut kantonalnog udruženja branilaca, kopija,
- g) potvrda banke o otvorenom (aktivnom) bankovnom računu kantonalnog udruženja branilaca, ne starija od jednu (1) godinu, kopija,
- h) detaljan plan i program rada kantonalnog udruženja branilaca, (ovjeren pečatom i potpisom ovlaštene osobe udruženja), original,
- i) financijski plan kantonalnog udruženja branilaca za 2026. godinu s očekivanim prihodima i rashodima, (ovjeren pečatom i potpisom ovlaštene osobe udruženja), original,
- j) izvještaj o radu kantonalnog udruženja branilaca za prethodnu godinu koji obuhvata redovno obavljanje poslova udruženja, (ovjereno pečatom i potpisom ovlaštene osobe udruženja), original,
- k) financijski izvještaj udruženja, (ovjeren pečatom i potpisom ovlaštene osobe udruženja), original,
- l) izjava ovlaštene i odgovorne osobe kantonalnog udruženja branilaca-podnositelja prijave, (ovjereno pečatom i potpisom ovlaštene osobe udruženja), original.

Napomena: Ukoliko je podnositelj prijave dokumentaciju iz točaka d, e i f) već dostavio uz neki drugi program odnosno projekat za 2026 godinu istu nije dužan dostavljati uz ovu prijavu. U tom slučaju podnositelj prijave dostavlja potpisanu i ovjerenu izjavu u kojoj navodi uz koji program odnosno projekat je dokumentacija dostavljena.

U _____, _____.2026. godine

MP

Potpis ovlaštene osobe-
-podnositelja prijave

NAZIV PODNOSITELJA PRIJAVE:

IZJAVA

Kao odgovorna osoba podnositelja prijave za dodjelu sredstava za sufinanciranje rada kantonalnog udruženja branilaca za 2026. godinu, pod punom krivičnom i materijalnom odgovornošću, izjavljujem:

- da su svi podatci navedeni u Prijavi za dodjelu sredstava za financiranje rada kantonalnog udruženja branilaca za 2026. godinu istiniti i točni;
- da će se dodijeljena budžetska sredstva koristiti namjenski;
- prihvatam da kontrolu namjenskog utroška sredstava izvrši Kantonalna uprava za branioce na temelju dostavljenog izvještaja o utrošenim sredstvima, a u slučaju potrebe i neposrednim uvidom u dokumenta u našim prostorijama.

U _____, _____. 2026. godine

Potpis ovlaštene osobe-
-podnositelja prijave

M.P.